

顧况 楊系 鄭叔齊
武元衡 韋貫之 趙需
常仲儒 王仲周 張賈
李觀

竹居致廬

全唐文

卷五百二十九之五百三十二

欽定全唐文卷五百二十九目錄

顧況二

江西觀察宴度支張侍郎南亭花林序

宴韋庶子宅序


送朱拾遺序

陪江西李大夫東湖賦詩送宣武軍趙判官還使

序

送韋處士適東陽序

送張鳴謙適越序



送宣歙李衙推八郎使東都序

仙遊記

宋州刺史廳壁記

湖州刺史廳壁記

嘉興監記

華亭縣令延陵包公壁記

宛陵公署記

王氏廣陵散記

陰陽不測之謂神論

文論

如意輪畫讚

并序

玉笥山書堂石傘峯銘

釋祀篇

韓休書

王尚山書堂石傘峯銘

吹簫圖

宋

文編

欽定全唐文卷五百二十九

顧况二

江西觀察宴度支張侍郎南亭花林序

右洞庭左彭蠡公所臨也先庚式武後甲徵文公所總也夫以清淨和平之德下施於民猶之不理旣當其樂不觀其華不在吐曜騰光自開自落而已欣戚之氣實棲其間繡衣使者詞客張君相閤之賢從事于公疆理一曰均賦二曰省徭三曰主文能中質茲亭之樂其可節乎蓋取之明離麗君子健應之象

宴韋庶子宅序

昔洛下鄴中蘭亭峴首文雅之盛風流之事蓋一方耳今
席有芳樽庭有嘉木飲酒賦詩皆大國聖朝羣龍振鷺握
蘭佩玉者也在古其有陋乎在今其有榮乎終宴一夕寄
懷千載是時也暮春駘蕩孟夏恢台之交耳

送朱拾遺序

楚天暮秋衰草多霜我送朱兄置酒寒塘他方有遺名之
人語出世之事昔我大師居毗耶離方丈之室以虛空量
納諸羣有爲法而來難於酬對兄辯才者精於語默雪山

有草可生醞醐上賢不自豐故貧也上智不任數故樂也
言出以機在心爲咎故慎也和平發中金玉鏗鏘如秋水
之溢塘殊不知長松倚空遠鶴孤唳如兄也將刀畫水水
中不斷以道親人人何有別何山不可以爲家何水不可
以泛舟我送朱兄浮於亂流主明不在諫故諫臣在瀾漫
之遊

陪江西李大夫東湖賦詩送宣武軍趙判官還使

相國大司徒統戎於汴汴之介者有長鬣廣顙乘遽四方

交驩諸侯以利軍實我大夫待以加等問其所欲蓋相國
於其君義疎而後有誠誠存而後有別此敬相國而及子
其告復乃賦平字之什以寵之春秋之義凡君子之嘉一
善接一士皆欲有所用必相其宜而比之昔代之阿鄆燕
侵河上晏相之薦穰苴文能附衆武能威敵果却燕晉之
師不測以直歸人入何肯復何山不可以爲家何水不可
爲池送韋處士適東陽序
珠玉在淵蘭在深林士不定方而處東陽佳地樓上隱侯
之八詠溪中康樂之贈答韋生翱翔若復故都會子放逐

相逢姑蔑之山所栽新詩婉而有意凡遊山水苦無卷軸
復無幽人攜手一何異飛鳥一翼行車隻輪眼界孤矣放
言自遣以貺處士乎哉

送張鳴謙適越序

晉司空十四代梁尚書左僕射纘五代孫曰鳴謙問行於
我我對曰迺祖蹈道隱黃鵠山乃先敦德隱朝陽山今子
洽聞繼修先好是一門而三隱矣臺仲之處也雲翔冥廓
亦復何礙又將嫁於四方余常適越東至剡南登天姥天
姥而西卽東陽太末姑蔑之地也

水紺碧其鳥好音其草芳葩奪人眼睛猶未麗也仙人城
在其上可以汰神可以建文可以棲闕一字子獨不見錯誅
而回樂乎感隙駟之末光事塗龜之修齡觀萬化之始終
道訓曰處其厚不處其薄丈夫之事予亦從此逝矣適人
之適孰與自適其適乎

送宣歙李衙推八郎使東都序

傳稱公侯子孫必大也天寶末安祿山反天子去蜀多士
奔吳爲人海帝命乃祖掌乎春官介珪建侯統江表四十
餘郡雷行蟄動時况搖筆獲登龍門斷乎禮部訖乎吏部

陳謀沃論五十載感恩懷故今復得子蓋天贊予不奪前
好鋪耀光列慶鍾於後相如植文文以澡行行以宣業業
盛而罔有不安身安而後坦慮坦慮而後造適臻其平我
恢拓尋度不在職之小大祿之厚薄在豔乃事也十連之
方九層之霄也使乎東洛盡族而來之謂何夫宣洞邑險
而棲盜古不偃兵今則不然革其土樂其民安其俗阜其
業客有乘堅策肥緩步闊視者張厥羽翰待風而振予見
子之達也雅之畧曰有華皇皇公所以寵大夫也

仙遊記

温州人李庭等大厯六年入山斫樹迷不知路逢見淙水
淙水者東越方言以挂泉爲淙中有人煙雞犬之候尋聲
渡水忽到一處約在甌閩之間云古莽然之墟有好田泉
竹果藥連棟架險三百餘家四面高山迴還深映有象耕
雁耘人甚知禮野鳥名鵠飛行似鶴人舍中唯祭得殺無
故不得殺之殺則地震有一老人爲眾所伏容貌甚和歲
收數百匹布以備寒暑乍見外人亦甚驚異問所從來袁
晁賊平未時政何若具以實告因曰願來就居得否云此
閒地窄不足以容爲致飲食申以主敬旣而辭行斫樹記

道還家及復前蹤羣山萬首不可尋省

宋州刺史廳壁記

商邱之地辰火之宿孟諸之湄閼伯所遷微子所封之國也厥貢絺紵厥篚織纊有蒙廬二門有睢渙二水炊骨易子隕星退鷁仲尼之伐樹子罕之棄甲皆此地焉梁孝王時四方遊士鄒生枚叟相如之徒朝夕晏處更唱迭和天寒水凍酒作詩滴是有文雅之臺清泠之地鴈鷺之所棲集團苑三百餘里制度法於長安漢末始置爲睢陽郡皇家大臣房梁公嘗牧此州今相國彭城劉公勛德有光亦

典此郡前破李靈曜後破李希烈爲梁開路而東方諸侯
并賦鹽泉所入歲約三千萬緡商在其外明年西朝天子
天子嘉之俾平水土乃拜司空俾敷五教乃拜司徒入參
大政出曜威武范陽君以智畧佐之由御史中丞行軍司
馬節度留後而領於是邦幕府得人於斯爲盛下車之日
無土不殖桑麥翳野舟艦織川城高以堅士選以飽詩所
謂誰謂宋遠誰謂河廣者矣自貞觀以來列名氏者以房
梁公爲首存乎東壁太厯之後繼聲躅者宜司徒公爲首
遂刊於座右貞元五年四月十九日記

湖州刺史廳壁記

江表大郡吳興爲一夏屬揚州秦屬會稽漢屬吳郡吳爲
吳興郡其野星紀其藪具區其貢橘柚織縞茶紵其英靈
所誕山澤所通舟車所會物土所產雄於楚越雖臨淄之
富不若也其冠簪之盛漢晉以來敵天下三分之一其刺
史沿革不同或稱太守或稱內史或稱都督他州或否如
魯史晉乘侯牧一也其鴻名大德在晉則顧府君祕祕子
眾陸玩陸納謝安謝萬王羲之坦之獻之在宋則謝莊張
永緒彥回在齊則王僧虔在梁則柳惔張謏在陳則吳明